

逃
虛
子
詩
集

妙上人習靜軒 送友人之松江得暗字

宿福智精舍懷南隣飛羽來儀

燕口夜歸

分金歌

鳴琴澗

清冷閣

羅逵為陳惟寅賦 茶軒為陳惟寅賦

訪霍師不遇

鍾秀閣

和徐一夔遊龍山離別六首

登錦峯

題種牧園

初春晚坐南軒喜王山人過訪

味苦詩為一初賦 石經山

萬歲山

海子

居庸關

燕臺驛

婁桑村

拒馬河

駐蹕寺

盧溝橋

劉文貞公墓

文丞相祠堂

金太祖武元帝陵

分菊

移竹

送護西堂還武林

晚步

寄前太常寺丞袁柳莊

偶會柳莊寺丞

寄天禧前堂竹菴上人

奉寄張天師二首

故友張羽画金華山居圖

卷第二

笠澤舟中讀陶詩

登真定龍興寺閣

題洪崖先生像

送程公還越

夏四月余因清理佛教事自燕還吳客于西
麓主者家事忙不暇問于花木也今歲後山
復生靈芝庭蘭忽結實秋海棠多被豪取惜
下鳳仙叢生如蓮麻瑞香被蝸牛傷其嫩莖
余課佛之暇因感而賦詩五首

白鰓江阻風夜宿江口魚懷徐資

題友鶴軒圖

劍池

琴臺

百花洲

上方

白雲泉

潁溪

竹院聽渭公琴

師林精舍過盈師夜坐

送靈隱欽老

奉酬王右史蘓德

春日過迺忠墓

恒岳廟

春雪

自阜平縣過大派山二百里抵五臺遊曉成

詠

館中公暇讀王維孟浩然韋應物柳子厚詩

四首

寄題聽松菴

遊龍泓洞

謝金山長老惠中冷泉

張真人墨竹為蔣用文題

送環師赴杭之下天竺住持

游溪草堂

送王琦還天台侍親

陳節婦

園隱為方山人賦

送僧崇歸日東

送王彞太史還祁川

寄王助教達善

東遊別鄉中諸友

與袁廷玉戴元直及廷玉子忠教遊小西天

馬上賦

江草道百牛圖

送完上人還武林

次韻荅張天師

贈金山愷公長老

卷第三

七言古詩

河清詩

白象

題太白觀月圖

贈鄭林美

與王止仲遊穹陰山留題顯忠寺

江湖夜雨圖為王生題

五色雀并序

登夕佳樓

讀書室

煮石山房

雨中過西湖訪演福記法師復遊靈隱謁天

鏡禪師留別一首

白雲泉次芝雲法師韻

苦寒

題恬上人松風閣圖

來適為余唐卿賦

題三香圖

山行

卷第四

題記法師還山圖

呂梁洪

且停寺

留題頓悟寺

折杏花一枝寄白范兼懷東鄰故友

看杏花有感奉荅童中州見寄之什次韻

再次韻荅童中州兼簡梅雪居士

畫松為相士袁廷玉賦

題趙原臨高彥敬小青白雲圖

訪席鍊師

秋日遊潯柘山禮祖塔

白起廟

柳隱

送孝鍊師還吳

題觀音巖

贈筆生陸繼翁

題江行風浪圖

題曹霸百馬圖

八月二十日出城西眺望過楓橋登天平山
白雲寺謁圭上人翌日到西麓時林園靚深
庭桂盛開天香滿屋可愛因懷韓吳先生不
得共翫茲賦此詩以寄

賀琇公住遙山

紫竹杖贈梁典籍用行

三月初一日與諸友期遊靈谷因公務不得
遂其往故賦此詩

乘化室

卷第五

五六言律詩

天界寺

登樓二首

龍河迹祥師

送友人之越

舟次松陵

送鏡上人

黃三謫欽州死於途次哀之以詩

次寒山

送友人之武林

寄陳二

吳略勉二師登南屏天鏡樓

春日遊靈谷寺逢高節菴楊宗鼎同登眺

養魚池

晚霽郊行

重經常熟縣

答張文學

鄭氏山莊

重過師子林

登治城山

壽春季總題父子四十年不見一日來北平

相見同歸閣中

野航

新秋

寄高編脩季迪

過澗東贈馬生

訪道權上人宿城南

折梅

五九菊

諼草

蘆菊

蜀葵

芭蕉

贈邊將

五溪逢鶴嶽山人施藥

夕次同川

送邵素

陳怡過禪室夜坐

譚柳

贈席溪僧

石林為金道遠賦

陳山人與淳樸師遠訪臨別口占

別山

贈道遐書記

送蘇州府都綱還吳

卷第六

題張山人適樂園林館一十首

玄明精舍訪呂山人志學

園城中登瑞光塔望舊遊諸山

讀孤山法師詩居編題紙扇

湯泉

贈吳山樵者

登天平山訪圭禪老昆廬寺二首

重遊白雲觀

與薛七二穆過壽寧精舍

鳴皋亭

詠燈

雨中題山館

過師子林

悼立禪師二首

訪震上人

秋日重游穹隆山海雲精舍十首

八月十四夜雙塘口待潮

送印法師之海寧

過房山清安精舍

沙河道中

日莫沙上口號

寄周鶴林

登惠山觀泉

初夏過城南神樂觀訪張真人燕為

游甘露寺

柳胥莫歸

常春堂

舟中懷年慧二字

深翠軒

耆山菴為張真人賦

寄隱士

晚過池上南軒

初夏登鷄鳴山訪定巖

新柳

瓜圃

紫牡丹

欽賜玉帶

嘉禾

駱虞并序

朝天宮

蘭宋學士

送戴醫師

詠蠅

師子林三十韻

送堅上人還瀘溪

周倬惠溫石茶壺

夏日遊天平山白雲寺二十韻

寄山中僧

張遠見訪莫歸口號

春日西溪即事二首

卷第七

七言律詩

元旦朝賀喜晴

元夕大祀

三月旦日駕幸太學

白鹿

二月二十日欽授

太子少師

與友人登金山寺

秋日登海虞致道觀

書院獨坐懷王學士

題萬松金闕圖

江頭莫歸

龍翔宮

羊祜廟

賀高啓生子

春夢

訪高啓鍾山寓舍尋詩見詒

京口蘭古

喜陳冕廣東四京

白蓮花燈詠

亂後入城有感

王珩雲過西麓見訪二首

春日過天平興上口占

再寄王珩雲

病梅

京都送雲海上人還山

與乾上人遊鑑湖

昌國縣

寶陀觀月

挽席道士

十月一日金陵蒞船之北平

寄虎丘蟾書記

題吳元範墓銘

題平坡寺二首

贈張行人宗海

遊西湖玉泉洞

送啓東白住松江延慶

舟中送戴伯兼歸金華省親

大雪中過潁溪訪徐達左

玉簪花

舟中贈琴士徐和仲

春雪

寄清涼長老

謝友人惠紫樵

卷第八

與金華戴元禮黃山人期登石經山謁道陵

山人期不至時四月廿一日也

京口夜泊懷衡上人

送吳知州

春日謁劉太保墓

過順德城

邢臺客舍長至日懷東吳諸友

東昌道中

次韻答天平復卷二首

春莫與行書記過師子林

夏日謝賜衣履

奉旨歸山中

淮安曉古

遊定州學

虎丘寺火後重遊有感

蒲劍次董中州韻

金室禪師使中天竺取經回朝

南翔寺

送袁達天

山月軒為俞嘉言賦

杏園

遊雅宜山

寄金山長老

送馬博士

毘陵覽古

寄趙友同

四月重過天界寺

寄題松雲軒

永樂七年正月十五夜喜晴

京都放燈甚

盛賦近體一首

陳濟伯載除右春坊贊善賀以此詩

送梁脩撰潛赴北京

王汝玉省廬墓回京除翰林院編脩兼春坊
贊善賦此為賀

秋日訪張天師城南新賜行館

五六言絕句

效古三首

贈隱者

題畫馬

對小桃

水閣夜坐二首

聞雁

懷師林因上人

南郭行春得遲字

題秋寺晚晴圖

山中見王阮

題蕉石鳴鶴圖

題芻釣圖

中秋夜別鄉友登舟

支硎山十三詠

山行

霜詠

題畫

西垣竹詠二首

題老檜圖

賣花人

題許由弃瓢圖

師子林一十二詠

對玉簪花

菊蹊

題畫

日詠

惜春

題逸士圖二首

卷第九

七言絕句

百花洲上逢陸五

贈相士袁迂玉

題班姬題扇圖

金陵送一上人歸武林

送昂上人遊洞庭諸山

題菊竹圖

秋蝶

秋螢

送白楊長老二首

鄭氏隨夫謫嶺南夫死蒙宥釋歸事姑

清明日郊行見拜掃人有感

開元寺雨中觀梅

題墨梅二首

訪王山人不遇

客次讀高啓詩二首

題薛澹園墨竹

經夢筆稿

越王臺

曹娥廟

題倪雲林墨竹

題仙巖圖

過下邳

觀鷗

立秋夜聽秋聲

尋通上人不過

九日登冶城逢潘肅

聞悟上人病起

題王冕梅

題宋徽廟雨餘乘燕圖

踏芳草

離亭柳

過湖訪張逸子宜

贈穉筍人

東園

夜聞角

題聰上人山居圖

贈西士李居中二首

徐園看花已落

廢苑芍藥

贈山中禪者

渾沱河二首

常山王廟二首

雪夜讀高啓詩

題幻住山居圖

題東坡化龍竹

東林小憩

題畫

題秋山圖

題水仙竹圖

東歸過餘姚道中二首

題臨流萬玉園

經無量壽院

董中州期九日過山中不至以詩見寄奉答

二首

題王荅明畫竹

九日感懷

過白雲觀謁長春丘真人墓

與咲軒晚過潁山精舍

宿幻住草庵二首

題紅梅二首

并陘淮陰侯廟二首

送王文中歸吳

沙河縣客舍對雪懷童中州

登金山寺寄甘露港源長老二首

題鷄鳴寺

墨梅寄周訪玄

題釋迦佛出山相圖

九月底下海棠花開因感成詠

五月壽椿堂獨坐想長洲舊業之竹漫成絕句

挽張天師母玄君二首

送天童用愚長老二首

漢陽十景

十二月廿一日舟出楓橋遇大風河凍河邊
三宿復步歸西山海雲蘭若

過聰松菴悼其禪師 題山亭讀書圖

次韻題西梅四首 寄徐彥威太守

寄楊勉 題趙魏公墨竹

謝靈谷長老惠笋戲言

蠟梅 寄劉翼南典寶

卷第十

題徽廟画翎毛二首

庭下鳳仙花盛開因對成詠

春江送別圖

題雪梅雙鷺圖

寄天平復菴長老

佳城圖

題溪山秋實圖

二賢堂

題孝烈將軍廟

送范生過古北口

題石甯鎮關侯廟二首

題畫菜

庭前紅杏花開寄友二首

園桃新摘招梁用行同食

七夕感懷

樂府

上之田

車遠還

隴頭水

公無渡河

鷄鳴歌

上雲樂

江南弄

轉應詞二首

踏歌行

相逢行

鴈門太守行

放歌行

月漉漉

涼州詞

洛陽陌

從軍曲

飲酒樂

猛虎行

楊白花

飲馬長城窟

白苧詞

薊門行

綠水曲

公莫舞

柘烏曲

竹枝詞二首

五雜俎三首

東洛梁家謠

塘上行

琴歌

沙路曲

清平調三首

歌行

黃河清

鶴鵲歌

祥光草書

灌畦老歌

種柳行

廢宅行

還山吟

壯士吟

牧童詞

兄弟吟

棄兒詞

商人怨

逸虛子詩集目錄畢

遜虛子詩續集目錄

秋水軒

夢萱堂詩

題畫夏景

題畫冬景

照月軒圖

客居九首

秋懷五首

雨中誦經喜楊宗勗至

寄高得賜

高景山深雲山居歌為淨上人賦

題群山圖

挽張天師二首

賀蔣用文陞太醫院判

寄高書記二首

逃虛子詩集卷第一

資善大夫

太子少師吳郡姚

廣孝

五言古詩

雜詩八首

仲尼昔在魯里呼東家丘誰知百王師聖德與天侔
要令臣子恨華削成春秋遺經勸後來一變乃從周

二

祖龍并六國勢大莫與爭欲愚世上人肆暴阮儒生
群經化灰燼法令從吾行劇政若牛毛哀哉苦疲氓
鴻鵠驟一舉四海如沸鎔不途赤帝子天下誰能平

三

翩翩豪遊子錦衣耀青春時來洛陽陌走馬不動塵
百金一朝盡惟仗劍隨身氣驕誰敢犯睚眦猶殺人
遇主固應難何由樹奇勲白日倏而逝青雲志莫伸
有恩非不報不報婦人仁

四

逍遙綠髮翁服食金光草朝游上瑤池暮宿逗蓬島
蟠桃幾見花朱顏不知老真常曾未解眇質徒自保
何如趨聖途悠々樂天造

曾聞青雲士馳聲似奔雷
闔國人仰其威宗高崔嵬
吁彼蓬華徒破行更多才
居然不得遇老死良可哀

六

幽花在深井夫々艷春蚤
獨有兒女憐不及路旁草
一朝潦蒨至繁枝盡枯槁
自嗟生處偏非是處不好

七

志士守苦節達人滯玄言
苦節不可負玄言豈其然
出處固有定語默非無緣
伯夷量何隘宣尼智何圓
所以古君子安命乃為賢

八

威風不常有來時必覽總祥麟不常生待聖乃一出
二物非最靈應世曾弗急堂々美丈夫寧肯事干謁
際遇會有時何須重感激

雜詩二首

夜蒼鳴已寐陰火燄凝寒寒々林莽間悄坐復何歡
掩卷念同心去我良會難不憂山川隔但傷日易踐
何如東流水寫此長恨端
玄冬正慘慄林氣凝更滋寒氷沍澗壑涼廳中夜吹
重衾尚砭骨無褐當何為嗟彼倦游子間閨惜群離
微吟坐待旦巡簷望朝曦

擬古六首

同心復同邑一會還一歡如何去萬里杳々會面難
昔為比日鱗今作孤飛翰日夕慮不息離緒入雲端
攬帶未暇結腰瘦傷園寬茲時在遠道霜霰日已寒
諒無同心友誰為勸加餐

二

良辰念難遇開筵當綺戶會我同門友言咲一何驩
素弦發清商餘響繞樽俎緩舞出吳姬輕謳來越女
但欲客擠醉觥籌那肯教流年嘆疾馳有力誰得阻
人生須歡樂勿使長辛苦

三

晨露散庭樹衆葉何旖旎繁陰蔽階除蔚若張綠綺
行將採其芳歆以貽彼美彼美與我遠迤邐萬餘里
微物固非珍意遠亦可喜奈何時不待徒使人興喟

四

還車候明發靡之經山谷念茲道路難况彼時序促
昔驚衆葉枯今顧蕙叢綠繁華非可貴飄忽即過目
人能保貞德流芳亦自足毋將日虛桑榆化同草木

五

遠行惜無侶
出都閨不念人減蕉
但見暮多新

松楸未成拱，撫收已侵頻。悲風日蕭蕭，逝魂豈長存。
點點起歸思，寧免泪沾巾。

六

林垌氣蕭瑟，歎驚已深秋。月色生夜寒，衆緯光不流。
零露團裊蕙，居人念重裘。蒼聲階下泣，鴈影波間浮。
嗟彼意中人，情塗苦淹留。諒非樂新知，遂令棄旧游。
箕斗去難遠，牛女會有由。浮名暫時事，不如共綢繆。

初登雞鳴山二首

秋山路梯空，一磴復一磴。游人不倦行，因貪境多勝。
願我不羈流，吟觀盡餘興。

重開無客來紅葉擁林路幽禪不出嶺雲屋高低住
忽遇解空人喚我喫茶去

陪方屋翁綠水園游鵬

熟游境已常偶到興偏造園廬依古閣開扉掃塵迹
芳景變清和群植忻滋息雲綿曲渠水苔滋陰堦石
叢筠減舊綠蔓草餘新碧游悵却乘霄歸禽自知夕
臨幽憩煩竭遠思展芳席維怡靜遑趣未達喧中嶽
茲因逢高士庶以樂無數

陪方屋翁游重綠水園

林園方新而夏氣鬱已浮環池芳草積綠水自悠々

葵心注旭媚蕙葉轉風幽相從昨日人重作今日遊
蹊蘇承步履陳蹤犹未收深搆足容與水雲共綢繆
欲乘隱君暇賞詠為淹留

奉荅高啓季迪

清晨長松下聽禽坐逾深蘭章忽遠寄光華麗空林
諷詠得密意展玩慰離心春晴見猶簡况茲逢暮陰
寄谿上諸友

獨坐白雲深常懷二三子幽齋俯花竹長溪渺烟水
遠不可到惻惻那有已尋訪定何時短檣秋風裏
海上曲與芝雲法師遊龍井次辯才法師寄

東坡翁韻

遠行造瀛海長嘯揖浮丘葛衣掛白月鐵錫橫清秋
烟霞已成性塵寰豈容留大鵬奮玄極神龍躍靈湫
所以辯才師飄然居井頭蘿龕雲影合竹閣泉香浮
堂之大蘇公曾賞此境優豈知百年後山荒水空流
茲行景先賢題詩紀清遊因悟無所住不起人間憂
奉荅楊基孟載

樓二泊城南春深抱幽獨餘花猶綴紅衆樹已滋綠
茲因塵內居始憶山中屋何時陪騎遊吟看舊題竹
妙上人習靜軒

嵐嶺照深屋，雲松翳閑門。
鳥啼驚曙白，花氣覺春溫。
以茲迎塵境，自可澄真源。
冥觀了無法，何有寐與喧。

送友人之松江得曙字

潮來沙磧平，月落海門曙。
汀蒲轉風葉，堤柳搖煙絮。
江頭春可憐，天涯人獨去。
有歌送君行，無酒留君住。
雪浪沒沙鷗，雲帆出江樹。
回首讀書堆，青山不知處。

宿福智精舍懷南鄰張羽來儀

我客悵無依，君居欣在迩。
清談夕散歸，獨卧松軒裏。
露香檳前桂，月色池上水。
懷尔正沉：，不知暮鐘起。

燕口夜歸

日沒渡口昏水風著人熱漁燈帶螢火微光互明滅
舟人報水程路遠行欲歇故山不分明目盡心力絕
遙想山中人待人仍待月

分金墩

夷吾坐窮乏村牙計餘贏託友心相知義重黃金輕
得利詎敢私當道分還平獨遺一杯土尚寄千載名
氣和塵靈草秀色常青：至今往來者因之感交情

鳴琴磻

磻上松瑟瑟磻下水涓涓山人來磻阿宴坐拂冰弦
風松共流水一奏一冷然

清冷閣

綠池湛無底高閣凌空明
虛幌映嶼竹曾梧翳堤柳
遠林接澹灩輕颺日夜生
夏深涼氣薄秋迴涼氣清
鏡空留鳥影欄曲繞波聲
芳辰潔華觴嘉賓肅塵纓
賞詠既自適寧慕世上名
吾欲時來此縱目一開情

蘿遙為陳惟寅賦

攀騎險難通紫玉循礧曲
蔓引紆蘿步葉密邀禽宿
影分夜曙白色帶春烟綠
何當携孤琴閑行追妙躅

茶軒為陳惟寅賦

千苞凜冰雪一樹當窓几
晴旭曉微烘游蜂掠芳蕊

澹香勻染露繁艷照烟水幽人賞詠遲每恨殘紅委

訪雲師不遇

波澄一谿雲霜紅半山松荒烟滿空林疎鍾在何處
不遇採樵人復抱孤琴去

鍾秀閣

依巖結曾拚芳辰集霞氣朱甍際遙漢碧几翳春雲
陰厓點故跡陽岡煥新文繁條晨泣露野水夕含曛
蒼予久忘世羈禪遠離群願歌尋佳士撫闌陳舊聞

和徐一夔游龍山雜賦六首

遠過桃花閣散上桃花嶺閑深嶺亦峻雲鳥與幽靜

窮高見市烟始悟在人境

前山低易登後山陟難度
亂石礙僧扉藂筍隘樵路

行々倦欲歇寧待日西暮

脩々一禪宮樓臺隱金碧
松閣掩呪音花龕鎖雲迹

群僧禮祖餘香燈自長夕

崇壇起芳郊山川勢增壯
神來氣氤氲神去風澹蕩

真享不移時庶以答靈貺

路入龍岡來一澗復一磴
迢々花石遶孤嶽度雲棧

深處忽逢仙相携坐談幻

出岫不逢山長江波淼々
落日下遙汀寒雲翳沙鳥

延佇目難窮孤帆來樹杪

登錦峰

奇峯起蒼昊秀色鬱可采
靈石麗文華晴空炫霞彩
欄斑駁青暈網縕雜芳霏
朝陽映猶輝夕陰膏還藹
或云神州仙鞭驅過滄海
不經野火焚詎逆歲年改
肅晨曉飛陟昂然立如待
延矚洞幽抱架戶時有在

題種牧圖

維時屆芒種原野鳴布穀
朝來小雨晴農事日應促
移秧平田間岸水清谿曲
彼姝且饁餉之子當放牧
頓忘塵鞅纏自樂淳龐俗
天意恤我勞年々有秋熟

初春坐晚南軒喜王山人過訪

春陽勢未舒，林深暮還冷。開軒悵久坐，獨對青松影。
石龕泣閑雲，苔井響寒練。驚客鳥翻翻，照佛燈耿耿。
華軒身遠過，襟襟還破幽。靜臨風笑語，溫相慰不及。警
交遊情未治，道念心已領。忘彼區中緣，樂此塵外境。
諒惟高世士，元非翫光景。遠送出林扉，新月懸西嶺。

味苦詩為一初賦

甘腴衆所歌，苦毒吾乃喜。味之曾勿厭，八珍同其美。
單瓢能久如，鍾鼎豈常尔。昔賢有遺戒，刀案不可畝。
願言膏粱人，於斯當染指。

石經山并序

石經山在燕之范陽郡峯巒秀拔若天竺山故稱曰
小西天隋大業間有法師靜琬者處是山思全教有
難不能流通於是發願募緣敦工鑿石為板刊造一
大藏經儲積于山以備其後法師刊至唐貞觀初僅
成大涅槃一部而法師乃卒其後子孫繼之化億萬
人乞錢粟刊造餘部歷運與金然後完此一大藏貯
于岩洞者七地穴者二洞以石門閉之穴以浮屠鎮
之自隋唐遺金及元碑碣森列照映岩野然而累經
干戈無秋毫之犯洪武二十一年歲在戊辰春正月

廿一日余奉

旨往觀念法師之願力宏大堅固是小之泉石靈異
清勝故賦是詩錫于華嚴堂之壁雖未足彰法師之
幽光庶以紀茲行之歲月而托其不朽也詩曰

我：經石山蓮峯吐金碧秀氣鍾惔題勝槩擬西域
竺墳五千卷華言百師譯琬公恨災戒鍊筆寫蒼石
片：青瑤光字：太古色功非一代就用籍萬人力
流傳鄙簡編堅固陋板刻深由地穴巖高從巖洞積
初疑神鬼工乃著造化迤迤洪勝汲塚防虞犹孔壁
不畏野火燒詎愁蘚苔蝕茲山既無盡是法寧有極

如何大業間得此至人出幽明
獲尔利乾坤配其德
大哉弘法心吾徒可為則

萬歲山

超然出海止觀之與天齊
仰看衆山拱始悟恭華低
瑞靄散蒼翠靈光發虹霓
琪樹映瑟瑟瑤草春萋萋
蓬萊在人間梯磴乃可躋
上有廣寒殿凌虛立眾惡
斗星繞朱甍雲龍護旋題
明時奉聖主長夕耀文奎
止金車酣宴殘元貯哥姪
不德天靡輔所以帝業隳
大明務恭儉親王鑒在茲
千秋與萬歲端拱樂無為

海子

海子乃天池舊聞為太液泉源出地底湛湛莫測
上有蓬萊山下有鯨人坐清秋起涼森天水惟一碧
波心菱荷淨岸口菰蒲密魴鯉縱游泳登釣豈能及
烟霧晚沈漾落日危雁集量寬渺江漢何非滿愁溢
龍舟泛双櫂虹梁跨千尺瑤池未足侔靈沼難匹
帝子勤古道為樂知無逸出游自有度豈待時日
告

居庸關

兩崖青入雲關設天下險一人自足守萬夫徒勇敢

山高壁疊危野曠旌旗閃天塞軍指陳霜重鼓聲慘
虎豹動成群雄勢破鬼胆況彼遠行子驚憚愁城堞
朔漠萬里外胡虜已席藁從今不用關南北南歸一
覽

燕臺驛

燕城舊都會館宇廣且深萬方來使客四座雜言音
停車粉垣下立馬翠柳陰池流出潛郵庖烟起驚禽
前王好吳者築臺置黃金黃金未足貴所貴待士心
燕駟乃有由禮遇古犹金他邑量難並過者加敬
欽

姜桑村

悠々范陽郡蔚々姜桑村々深民居相鷄犬日相聞
間蒼皇攝讓古來風俗淳樸嶼嶼先生皇矣漢祖孫
孰知生此地一日乘風雲武侯道合關張乃君尊不
逢權與孫天下豈三分英雄為時出功德被生民邈
焉千載後遺廟今尚存丹青圖素壁凜々如生神
烟蘿覆其宇雲松翳其門秋風重過客感激復何
言

拒馬河

大河擬長淮湍急去如瀉未足限南北就能拒胡馬

牛羊飲其溪較尤挾其下
沁湧拍遠天漫演散平野
中流渙子多兩岸居人寡
從來燕趙間紛々戰事者
以茲壯其國固守曾不舍
河伯顧揚靈終古保民社

駐蹕寺

太宗真英主然々龍風姿
天策四海空况復有東夷
親征渡遼水曾此駐旌麾
後來好事人乃以名招提
晴園景澄霽曉殿香霏微
林深埃壒遠僧子多禪栖
幾經干戈際荆榛秀顏基
功業今何在蒼苔綠斷碑

盧溝橋

後漢

泚水自山出到海一何遙達秋霖泛溢如春潮宋師
五十萬北來事攻遼駐此不得進仗貫慙徒勞金源
重遊幸鞭石起危橋上亂隄騎橋下袞毳蛟關干
雲霧濕閑柵氣勢高征裘行曉月仙旆度良宵至今
燕南門極目誇雄豪使仰成陳迹流水自滔

劉文貞公墓

良驥色同群至人迹混俗知己苟不遇終世不怨讎
偉哉歲春公簞瓢樂巖谷一朝風雲會君臣自心腹
大業計已成勛名照簡牘身退即長往川流去無復

佳城百年後
鬱鬱盧溝北
松楸烟靄青
翁仲薜蘿綠
孫謀不敢犯
何人敢焦牧
王侯墓壘
瘞不待草宿
惟公在民望
天地同傾竇
斯人不可作
再拜還一哭

文丞相祠堂

凜々宋忠臣
然々元世祖
禮遇各有道
声光照千古
舊祠燕城東
松柏森牖戶
英靈貫日月
勁氣鼓雷雨
有司奉朝命
維時荐芳醑
客來拜庭除
敬退復延佇

金太祖武元帝陵

金源古肅慎
太祖當尤興
疾遠如反掌
想見武且漢
嗚呼大宋國
在德不在兵
未遂并吞志
於今即殂崩

瞻彼涿鹿山，埋玉起高陵。長松植在塋，重出蔽佳城。
秋風嘶石馬，夜雨泣山靈。燕沒已百年，今幸遇
皇明。芻蕘不敢入，楸梧喜再青。歲時營一祭，亦足慰
幽明。

分菊

嗜菊詎成性，仍非慕前脩。籬邊夏雨足，芳叢生已稠。
分萼携短鋤，溉灌屏清流。白黃因葉知，間列自成幽。
英凌百卉落，苗隨衆草抽。不有今日勞，那得慰深秋。

移竹

客居悵燕竹，尋植得佳本。乘茲烟雨餘，鮮帶靚荷卷。

苔壞風所資，齒根不損離。叢雙失恃，插援恐風催。
旭節影散新雲，迤色迷遠。君來俗遞，消延賞愧移晚。

送護西堂還武林

昨朝武林來，今朝武林去。流水與行雲，何曾知去住。
雁送秋風，帆蟬鳴夕陽。樹悵望天東南，青山渺何處。

晚步

晚步出門去，林端見新月。牛羊下嶺來，疎鍾何處歇。
行，且復佇遠對西山雪。

寄前太常寺丞袁柳莊

幽居南城下，老井得所依。既遠市井譁，况復宴客稀。

古槐蔭苔砌蒼筠護荆扉朝光旭掩映夕氣烟霏微
芸窓宿燕銷梅梁日燕歸散慮飲靈漿怡情整琴徽
優游隨靜跡逍遙亡是非嗟我屬知深抱病長相違

偶會柳莊李丞

同居一城中經歲不獲見雲山千里外信知難會面
今朝忽相逢握手情眷忘呼兒急置酒丁寧休厭勸
要須醉復醉旣筭奚暇美此會豈易得但恐聚即散
彼此皆皓首滄桑頃刻交與君且尽歡莫問日桑晏

寄天祐堂竹庵上人

終朝理清泉不出長干山奈此秋風高何似白雲閑

乱啼鳴竹塢孤島度松關愧我老病翁無緣能往還

奉寄張天師二首

共唯無為子玄道之精此蘇軾森張神眸電爭明
羅金屏鬼妖叱咤驅風霆靜避浮黎土妙樂芙蓉城
屢初洞化元長年守黃寧翰采昭雲漢文藻敷天英
道義金玉重声利塵毛輕奉先象教樞尊榮列仙卿
左肩拍洪崖右袂挹初平微生亦有幸相遇得真情

又

余少頗好異每慕神仙家惟子守止一與世逐群邪
玉池與常清金庭榮無瑕靈液濯丹苞顯氣毓黃芽

煉焦肅水火，採擷凌烟霞。道畎秀嘉禾，玄圃糞瓊葩。
恢漠弘鴻範，冲虛去浮華。五炁自凝合，八聖相要遮。
環坐鑰雲扃，游遨駕星槎。消搖居物表，灑又何加。

故友張羽畫金華山居圖

張君面侯孫，游心在雲山。飄飄神仙姿，濁世孰可扳。
廿年不相見，或云髻成斑。皇期歟長往，墓土埋黃菅。
幽明既變隔，何由聞佩環。死生知有數，大丹空九還。
祇成千歲翁，寧出虛無間。爭如尋竺仙，為叩黃龍關。
一法不可學，且須尊孔顏。

述虛子詩集卷第二

笠澤舟中讀陶詩

扁舟泛烟渚涼森襲我裳推蓬坐其下四顧心茫
斯須展陶集諷詠殊未央儼同予載上攜手游柴桑
先生得真樂厥志出羲皇回跡晉宋人萬々空相望
况彼後系者應多瞻孔牆身栖草澤中心存名利場
乃歆學其言假和韻斐狂未諧織組工何能雲漢章
里婦勸而賒可嘆醜愈張應物趣頗合子瞻才足當
允言究臻極二子在其旁儕哉梁蕭統至論何昭彰
於焉天地間萬古垂休光

登真定龍興寺閣

南行由鎮陽暫息登高閣
欲馬眼境寬頓使胸懷豁
金容照天宇璇題倚城郭
宿雲暮靄紗微縠霞格鋒
霜林出遠樹霞空送孤鶴
四山當社席千里在掌握
宋祖昔尤早應運成傑作
淨深真梵剎巍然儼靈岳
上芒天齊壽下興民同樂
嗟我後素人臨風徒感作

題洪崖先生像

昔聞絕世士狹羨洪崖翁
心存白雲外迹混紅塵中
常時跨雪精千里走西東
或携六角扇或握九節筇
寥霞陟王屋披雲上空同
肩拍赤松弓袂挹浮丘公

滄芝飲沆瀣千歲顏如同童世俗曾未識高明動主
宗罔形金殿上萬古揚真風

送祖公還越

祖公越中來耽詩似靈徹不同世內人皎々如冰雪
昨朝遠過我開口論生滅孰知道理勝頓使塵心歇
興盡即還山去路忘秋熱

夏四月余因清理佛教事自燕還吳客于西
麓主者家事忙不暇問於花木也今歲後山
後生靈芝庭蘭忽結寔秋海棠多被豪取惜
下鳳仙叢生如蓬麻瑞香被蝸牛傷其嫩莖

余課佛之暇因感而賦詩五首

靈芝本無根其生豈定方昔開產函德為瑞世乃昌
嗟彼野人家屢歲發崇岡焉知衆草沒秀色不得彰
揆子忽采送燁燁聚金光諒無善可感何以致嘉祥

二

猗々庭下蘭花開正春日幽香自襲人乃有君子德
詎知西露滋今年結其寔青々疑佳果園丁曾未識
何如南畝稼可給飢人食為物不適用難貴有何益

三

娟々秋海棠人言斷腸草神農有圖經誰能為稽考

處陰乃榮茂近陽則枯槁其毒過於鴆不經亦可晚
如何富貴家金盡爭尋討不畏能殺人但愛顏色好

四

鳳仙匪名品草中亦幽花白者如瑤玉紅者如丹砂
今年子散漫滿地枕蓬麻不理奈荒穢焚去念佳葩
慎擇苗數本照眼茲清華載看秋雨餘芳數媚小家

五

瑞香壓衆蕊春初已爭芳花開錦熏籠馥郁且異常
豈但兒女愛亦使蜂蝶忙山中有佳本培養乃垂芳
蝸牛果何物新條被其傷柔良難自持在人能保障

白蜺江阻風夜宿江口兼懷徐貢

顛風江渡難停櫓
休芟薪清烟休翳暝
光灘月侵寒夢
淒歸候火明
兔眠忌芦動
遇險更思君
陟覽離愁重

題友鶴軒圖

幽人遠楚竟崇軒
起山隈涼風響澗木
稍霞明砌苔
荆扉夕不掩
多應放鶴來

劒池

湛盧埋伏深涯際
立危壁波含金
氣清苔吐銖華碧
龍光日夕浮蛙黾
俱潛迹臨翫復何時
吟餘漑今昔

琴臺

崇臺起雲岑，差日游宴七。弦石上彈開，花落餘片。
風清松峇，響烟簞草成，荐至今想餘音。冷々散秋院。

百花洲

水滌接橫塘，華多礙舟路。波紅晴漾霞，沙白寒樓鷺。
綠汀漁網集，隔渚菱歌度。不見昔遊人，風烟自朝暮。

上方

蓮宮據山樹，岩堯去天咫。風香花雨新，僧行白雲裏。
幽沉樹杳靜，蕭散煙鐘起。人登石路迷，依々綠澗水。

白雲泉

陰泄自落、綿流仍脉、輸練隔山青飛瑤混天白
澗草帶幽香壁蘚漬餘澤昔曾汲飲來依松駐金策

游溪

青山兩岸分夕渡舟橫口夏雨歇生蓮秋風先到柳
聲殘烟寺鍾香餘茆店酒相見無別人唯逢耕釣叟

竹院聽涓公琴

虛齋倚脩竹七絃彈更幽歎如一葉落萬壑皆驚秋
依微寒鴻歸宵渺湘水流無營自深聽澹然忘去留

師林精舍遇盈師夜坐

空林長掩關閑雲去無迹偶來值禪侶清談忘永夕

坐久磬聲沉松堂一燈寂

送靈隱欽老

昔送冷泉遊今見冷泉主迢遞來石城絮染帶松而去住自無意何暇計出處官舍晚相看竹邊不知暑尚論古人心還舉尊宿語歎尔之故庐惆悵狹延佇

奉酬王右史蘊德

少時事孔學長日遊儒林朝披手中卷暮橫膝上琴無成即從佛淨業乃所任棲遲樂巖谷交游喜剋管君多妙文藝聲價重球琳行藏難異迹言咲却同心相忘隣里間携詩夕還尋窓明透垣月底喧爭樹禽

展席白雲陰啜茗青松陰幽情既有得外物詎容侵
會當效艾許悠然時對吟

春日過廸忠墓

維時春服成縱步城南路逶迤繞水流來尋乃忠墓
阡隧非往昔川首原豈如故蕭條惟荆杞慘黯雜烟
霧翁仲不可見日午走狐兔憶昔龍鳳姿四海服威
怒東征勢小沮忠良苦顛仆君臣既一心死者寧不
慕遺骸瘞茲壤期如金石固焉知大化中天地同旅
寓事業水上漚功名草頭露死生諒莫測榮華何足
顧不如保貞德歌歎自朝暮

恒岳廟

五嶽時伸維嶺恒最卑小石峽泰華齊庶幾敢藐
靈氣通紫極神耀燦玄昊尊崇自古祀封建乃鴻造
彤宮凌烟霞瑤階映芝草羣：揚霓旌鶴：集靈島
香靄繞重廊蒼松蔭方沼登覽人盡恭進謁我肯少
極目仰天高繼步忘路杳郡侯時奠享庶燎燠清曉
黔黎賴真貺災祥每虔禱惟神既昭彰國社當永保

春雪

青陽始交泰瑞雪來天庭整斜奔逐隊高下積隨形
點梅疑並白封苔訝妬青長空飛漫散回風舞娉婷

地濕銷易見人靜響偏聽鳥愁無哺啜
喜斷蝗螟
高樓歌未歇豪家酒不停慙同韓吏部
搜吟思入冥
自阜平界過大孤山二百里抵五臺遊覽成

詠

阜平從西來大山與連谷曾固歷千重
一礮過百曲
劍鋌露遠峯綠色舒寒濕虎跡屐驚人
鳥道長仄足
霞光閃危嶠雲氣涵崇巖
蟬咽陰吹幽禽響佳木
斷徑鳴孤猿平坡走群鹿
萬籟雜紅紫衆葉紛青綠
木皮野客衣石广山岷屋
避方日尋勝空林暮投宿
漫遊許自知縱覽厭所欲
會當登五臺清涼我心目

韶中公瑕讀王維孟浩然韋應物柳子厚詩

四首

輞川治別業來往少簪纓幽遠勝柴桑泉石有餘清
揮洒自為樂吟詠得真情邈焉千載下孰不慕高名

二

襄陽耆舊間放情獨夫子塞駐城市中短褐風塵裏
有時詩興發高山共流水閑澹意有餘飽譟焉足擬

三

少時事豪橫中年道頗知焚香日冥坐隨處樂無為
交游泉石間感物自成詩古淡宜易學五字真吾師

愚溪非舊業幽棲亦超然放逸豈不畏所樂乃在天
寓意一於詩出語何清新恨不生同世日夕與周旋

寄題聽松菴

俗士嗜繁管哲人尚焦桐開心雖不二所聞諒相同
嗟哉彼上人堂下性海翁習了如幻耳根具圓通頓
忘世喧啾惟聽衆上松篁戶倚雲巖繞屋蟠虬龍森
森挺髯戟日夕來清風蒼陰翳紫丘翠濤越長空大
音塞俗世非商亦非宮声未卒無始声去寧有終祥
第已深悟焉能動手中我也山澤臞癯老耳巨聰何

由撥塵緣竟歲長相從團蒲共深夜寂聽開心聲今
我客千里細想孰有窮詩成聊一咲奚用托冥鴻

游龍泓洞

偶携虎林僧潛入龍泓洞盤桓竟忘返游曠從教縱
泉声風簾襖雲氣烟嵐共寄跡由人成靈瑞乃天送
巖深區後蹤窺曲應樵嘆壁仄小蟲蟄不歸古苔凍
不來寧免思乍到翻疑夢跼蹐感舊遊令人歎悲恸

謝金山長老惠中冷泉

金山天下奇江心一拳石水雲相面環氣勢王京國
中藏古道場主者多名德于今有衡老長年樂禪寂

或云頗好事曾不混塵迹惠我中冷泉瓶置誇座客
石錯沸松風香味歷康谷淪茗試一啜令人疎毛骨
詩成為寄謝感慈意難得與我掃泉頭尋訪當有日

張真人墨竹為蔣用文題

墨竹衆所好識者余自許吁嗟近代人紛紛幾堪取
房山端可尚薊丘誠足鄙惟竹本清物俗狀竹亦恥
無為馬遠心枝此意頗相委蔣子索余題寒窓正風
雨

送環師赴杭之下天竺住持

春來苦積陰長空凍雲鎖委巷斷行人雪泥深沒軻

嗟余老而衰病互似野疲且効維摩詰終日杜門坐
髮蓬黃眼擲頭寒帽重裘軟席棄蘭冊垂幕附爐火
環師重道義冒雨來投我告别之武林即日駕輕軒
緇白龍板送豪樓車庶左靈山被視床未忝侍敢情
對衆闡宗乘微異天花墮野鹿獻奇藹山後捧珠菓
頻伽送妙音蓉峰呈小朵慈雲肆冥蔭去住自無碍
愧余不能住問道求印可請師堅願輸高名期遠播

澣溪草堂

徐侯家吳下舊業依澣溪作堂溪之深復以澣溪題
靈巖峙其東具區漾其西據茲山水窟宜此紫雲齋

曲流自回環列岫相高低陰：松栝林藹、桃李蹊
礪草猗蘭芳池樹枯楊柳前陂時網釣後壠春鋤犁
編籬護茗園課豎翻蔬畦溉花汲古井瀦水作長堤
茆茨竹露潤草迳蘿烟迷風晴喧燕雀沙暖眠鳬鷺
畫樞綠陰繞曉庭黃鳥啼常時有弦誦經歲無鼓鼙
營家羨令子內饋誇美妻襟懷好安朋門巷填輪蹄
西連且為樂歡呼惟恐賒庖羞剪春韭盤飴烹黃鶩
欣厓出鱸膾吐嗟辨萍蕪既有酒如澠何妨醉如泥
縱情忘白首散步扶青藜身安得地利心游乃天倪
頃承

天子詔重上青雲梯榮達紆組綬顯貴交簪珪行嘗
報國思慎毋思舊栖

送王琦還天台侍親

王君赤城系燁々露文綵一見心已歡久語不小厭
結為方外交余老亦無忝朝尋及暮訪敬愛情恐歎
東軒頗幽閒或榻每分占謗々論釋儒同異欲明驗
君偏我得攻我病君能砭此道期有成志在揀昏墊
有時杖青藜散步衣從裾循林引鶴俯覩魚噉疎槐
結雲陰幽葵帶烟艷歔然動高興浩々孰能歛豪吟
憑揮洒健筆快霜劍篇章埽石壁寧待出松輶或壯

如雷轟或疾如電閃或清如霜華或滿如川滌園瑩
珠絕類璽失圭有玷諷詠共忻躍延款乏醪醪一朝
奉親歸告別成噫欠到家必戲絲豈但甘旨賙留君
君勿留念我：還念握手不忍違朕翩過小店

陳節婦

序：陽固竹矯：陰煙松吁彼節婦心凜若松竹同
并方二十餘懿德一何崇良人樂行商四海一舶通
烟濤計習慣容易逾飛鴻豈期陽侯怒沒入蛟鼉宮
計聞邈難得魂歸亦夢：譬彼雙棲鷺歎尔雌失雄
游踊地欲裂迸血春蕤落膝前兩小兒嬌駭未成童

孤嫠命苟活，喬嶽日不空。即年偕老，願粒粟任塵蒙。
惻懷速歲月，何能抹青紅。用躡共姜誓之，死天勿重。
倘恍願微影，慘之霸房櫺。望歸每憑高，注目扶桑東。
遙逝等黃鶴，安得有翼從。海波無盡日，此恨何時終。
只今已六十，雙髻如秋蓬。子喜慕先哲，滑瀨時親供。
高堂春菲之，戲絲悅慈容。婦節子能孝，死者憾亦鏗。
幸逢太史筆，作傳垂無窮。余才愧荒陋，願總焉能
工

園隱為方山人賦

方君厭早喧，拚野依別島。鋤耘遂初心，賞咏適冲抱。

出境在人說奇處屬天造
斧鑿鋒鏘：溪繞紆結：磴險足難騎
泉清耳宜澡春明物倍鮮
秋高氣逾顯雨盈沃滄雲連護村堡
谷風夕陰：林曦朝果：尚朴茆作堂
取美蘭為標在蘿謝客板砂蘚卻重
掃晝闌真聚蠅春豈垢生桑鳩巢互
迂后蟻壘競征討花波假湘娥鳥語
學東鵲筠森屯翠幄葉大撐羽葆
松稜倩工萼菊本索譜考爵舌味新
茶鷄心識園冬蕙芬陋麝脐梅韻等
龍眠沙途全細蘼漫堆熟香稻初萌
忌羔踐餘芳惜吟悵渚燕晴掠芹池
鯽寒潛藻風承墮水鳶浪起眠沙鵲
橫負禪服田驥脫轡淹皂

咍兒嗾山虎并女會村媪膾鯉樂觀知刑羊祀神保
蓮蔬獻陳新庖肴進鮮薨剪韭循斷畦采蘋涉行潦
佇吟撫礪杉坐酌藉底草歌罷琴孤調酒罄尊罍倒
檢書臨夜窓舞雩向晴昊積薪供火然儲杭借泉搗
不憂飢無糧已喜寒有襖紅鮮女裙茜素濯仙髻綽
非惟慕人吳公乃羨烏好安以礼為羅隣以善為室
古澹足怡神放曠能達道心侔竹共虛身擬木同樛
橘人生年易衰我歸志已浩欲從乞餘基卜居以終
老

送僧崇歸日東

榮子日東人姿性穎而妙英年過中國尋師乞禪要
扶囊乘風舸絕海快霜鷁浩渺晚鯨奔神山夕烽耀
渺漭天莫辨巖島思難嘯鐵蕩失所依出入仰靈曜
鉅商與信使過者輒驚叫諒彼何人所蹈險足不掉
應知為求法急若採眉煥便欲走康莊何暇但循微
已解離言說無復誦周邵編游謁碩宿僻不遺蓬藿
舊衣獵風烟川谷入崑崙名山古勝幢九剎靡待五
首叅登乳竇爰一度雲嶠入門問三玄當机通一家
以茲守藏鑰庶不愧年少雖瞻衆星輝未睹孤月照
重來吳城西雲巖覽危峭試將劍鉞拂再覓虎頭料

偉哉熙怡吏一葉泉病瘵從游幾經歲替教亦頗肖
分坐禪月堂中外各無諂孤高傲松崖清句越琴調
今年動歸興恨時無翼翅相逢龍河上賤迹同航覩
煮茶邀我坐不語惟一嘆將遠逐鄉國欲餞不飲醕
短章聊贈行祖道宜自勗

送王彝太史還祁川

大朝定九牧汲々求英髦旁搜復遠索不使巖穴韜
彝也負偉器六乃人中豪神覲清而奇華岳秋爭心
胸羅萬卷辨口欺霜刀偏居祁川上為樂從畊陶一
朝往應詔光風曳輕袍正欲纂元史椽筆遲尔操尔

解法春秋一字為張集有如鑒留空嫵妍不可逃衆
口共稱良遠固宜與曾或乃初之仕操首辭復檢我
嘗問其故云有親二毛予昔侍親側何曾遠游遨但
得餽粥奉寧受州里勞史畢即告還無計留空嗥不
肯走官騎一棹衝烟濤歸家拜堂下顰若跪乳羔殷
塵為親壽捧觴進西齋庶以慰朝夕吾方自謂二釣
魚臨西沚覲極循東皋不為楚之原窮野吟離騷子
才時時望豈容老蓬蒿

寄王助教達善

乾坤果何物開闢從古有
琴瑟孰非客離會豈云偶

嗟予蓬蒿人，鄙猥匿林藪。自慚駕塞姿，寧牛馬走吳。
山窮而深養，性甘老朽。且共木石居，冰壁志堅守。
人云鳳栖，豈同魚在芻？藜充我腸，衣敝露兩肘。
龍在高位，誰來問可否？盤旋草莽間，秋日相叩頭。
詠儼寒山，惟以道自負。不忍塗抹乞媚効，里婦小靈
不容藏。辟歷破岡阜，出門睹天日行也。焉肯苟一舉
即北上。

親藩待惟久，天地忽大災。神龍起米湫，萬方共忻躍。
率土戴元后，召我來南京。爵賞

恩加厚，常時荷。

天眷因愛不知醜光紫人所歆且慰平生友王君鄉
中彥為善說衆口力學三十年曾不悲舍糗文章乃
所尚製作誠老手清雄過籍誤嚴謹抗韓柳能聲揚
湖江疇克當其右僑居梁溪上置彼宮一畝嘉植茂
晴簷芳葩照寒牖閑閑散日無事呼朋樂琴酒行高
景伯爲來往襟村吏昔余客愛我一見恨何淺論文
多脗合定交如杵臼面連咫分袂時踰午及爾望期
別我去北行共誰某沙陀苦寒地土屋猶薦飢讀書
咲豪俠冒雪縱鷹狗迢迢各天涯一別年逾九夜光
沉泥中識者還見取孰知遇昏主砂礫混瓊玖胡爲

素黃鍾反歌鳴尾在胡為宮康瓠反歌賤殷貞惡少
曾無知屢之與評詒使子困卑秩局促如鉗扭朝歌
及暮嗒沉坐情枯憊時未遇

聖明鶚荐尔為首光芒忽顯著皎々星中斗登庸入
史館筆削何趕々

聖寵日已新使我心亦慙行將見高擢量應宜大受
君子鶚尚多我老蘇同壽它年會諸生大好陳組綬
東遊別鄉中諸友

我生四方志不樂鄉井中茫乎宇宙內飄轉如秋蓬
孰云無所棲歟々存吾胸忍為魚止深宵作禽囚籠

三登及九到款與古德同去年客淮楚今往浙水東
竦身入雲徼一錫如游龍笠衝霏：霧衣拂颼：風
行李惟詩囊佩之得黃童四明共天台曾假華與嵩
中有至道場青瑤削群峰欲尋白足僧為謁黃眉翁
豈愁海波濤何畏山穹窿遙迤路莫盡盤桓與無窮
江天正秋清山水亦改容沙鳥烟際白嶼葉霜前紅
梯空向高絕極覽舒雙瞳優游平生友恨不長相從
遙知當此日念我情千重後夜有佳信好託南來鴻
興素廷天戴元直及庭王子忠教游小西天

春來已一月寒威尚侵肌閉門不敢出獨坐如鴉鵂
忽逢二三子欲赴同襟期邀我西山遊孰謂非其時
游行未足樂所樂新相知聯騎曉出城積雪盈堦墀
涉野瞻莽蒼梯山歷層危載君乃秀士遠志尚未衰
安行保遺軀緩轡任馬遲表君抱英才勁氣吐虹霓
見偶或止酒立馬每賦詩胸中何磊砢出語犹崛奇
阿教年十五膂力勝胡兒走馬愛長坂翁歛如星馳
嗟我山澤臞跨鞍亦相隨坡陀苦登頓寬袖風披之
翻思支道林馬癖良可哂爭如據槁梧嗒焉坐忘机
皇期遂願性倦游即言歸回途值新霽征目心神怡

落日照大野山翠橫
雙眉飛爲迎我馬游絲紫我衣
但恐分手去明朝各天涯
此行難再得堪嗟還堪悲

江貫道百牛圖

江君畫百牛愛態詎能測
寫筆工是師獻墨誤非式
金籠驅可恠桃林放堪別
幻乃有生意妙豈在顏色
群牧奚敗隹夥或頓滋殖
毛橫蝟珍二角聚鹿鬚
便金計伐蜀尾火陣全墨
九十牒無牒八百里多糧
濕々樹能化昂々氣難焦
罷耕釋犁裡出岡縱繫縷
喘月夕亂蹄眠雲午才息
止檢糞搖尾樂觴角橫橋
摩行步泰差抹闌進扶服
吐舌相固功枵腹牧廢戢

積重未取黃將老漸翻黑脂堪宗廟享瘠伴田翁盡
坎坑任勝蹤坡陀恣起陟後先小隨大行次斜復直
迅遠千里蹄任重九夫力牧厓疑斫硃傍樹枕繁枝
逢溪浴清漪遇草啖者勞隻鳴或求偶並立似相翼
首垂氣欲垂尾掉行不亟轉如逐磨旋奔若加鞭逼
車咽耳相項齊痒角指助駟戍學安徐席反畏剛愎
闊野為爭雄同闢豈相得懶散童莫拘怒奮侍能抑
夜飢飯思藟著渴飲尋湜過嶺驚跳梁倒地封僵詰
春陰雨乍歇東事日已即非尔勞歔歔何以歛穢穡
邦吳籍后土天產助神稷斯罔殊有靈後世詎無識

祐陵錫美書翰范進文飾願師勿容易子孫共珍區

送完上人還武林

我性如野鶴好入雲林游雲林無佳士難往不得留
哲人固多愛庸鄙終見憊以茲所到處誠熱恒難周
憶昔往錢塘湖山縱探幽榻來天竺上巖、高斗牛
濯彼泉石清翦然山木稠祥霽晚氣氤意此多名流
維時用拙翁大坐闡玄猷群英自圍繞教聚如魯鄆
鼓鍾震巖谷奔走公與侯再揮魯陽戈声光滿南州
完也翁之孫清美琳璫好古衆所慕力学曾無休
奇材擬梗楠逸足超驂騑青年志何壯德業邁前脩

世稱穎沙彌秀拔莫與儔行峻道應輝寔果名不浮
况尔樂嘉賓款顧揚青睞我来歛相見一語鍼芬投
携我坐澗石呼我登巖樓庭晚眺至客野步聆樵謳
松堂足深在孤燈樹再篝篆香烟裊鼎茗華雪凝甌
殷勤面信次燠寒候永棗應知念老友義均骨肉優
但恨各天涯常時會無由一朝翁應詔說法近
冤旒戒途學星馳子能侍行輒始登鳳凰臺載上白
鷺洲旅泊古禪林俄尔逾三秋嗟余由外学被
舌誠堪羞挾榮來京師見子即解夏相看龍河上
終日與綢繆群言暢我怀整倒如傾湫詩章勝曰作

絢爛珊瑚鉤形儀更清楚字畫猶初通我喜殊尋常
林舞病六瘳似逢荆山璞如獲棠溪鏐幸從共道聚
歡遂終身謀豈期翁奉

旨賜還樂林丘子適理行囊日夕催歸舟天高秋氣
迥涼風暮颭颭菊荒推古道荷老歎深濟征鴻影歷
歷倦鳥声啾啾此時作遠別如何不以愁人生若無
根漂々水中鷗誰云瞬息間離會亦難等况茲十年
內世事何悠々我歌送子行令人成白頭

次韻答張天師

久別思一見急若羣望歲昨朝賭高標連雨忽逢霽

不期自偶合宛同執右契嗟余衰病翁過蒙俯青睞
塞拙何足取齒錄加品第文人蓬壺仙不肯忘道義
神章遠寄我望鋒堅降幟光燄然日月金篦除眼翳
寶此古壘洗遂將瓦礫弃辭意兩非凡拳拳見誠至
好並金玉堅陋彼瑤瑤脆久飢得美饌渴心豈不慰
走也好於文士居病所嗜老而不知休何如惟姜桂
引流固用渠入鑿必為朽居官已皓首行倦思小憩
甚欲從赤松且奈絀附驥微眇果何物有幸得沫煦
茲之宇宙間

帝德能廣被願言留候孫永矣昌本系

贈金山懷公長老

我昔游山秋盡空江寒西風忽作惡扁舟畏驚濤難
隔一帶水對面千里看斯須風始定到岸愁乃寬翻
然遂入山倉皇整衣冠山僧出遠接慰我心方安塵
緣苦羈絆勝境遇亦難世事當整頓登臨且暫桓桓
蕭與陟磴要尽平生歡主者更愛我泉頭坐圓索為
施三昧手郵泉烹月圓中湍一品貴舊井雙龍蟠
蟲雲嗽碧煒霜楓丹江山趣無盡我與何由關西
題記歲月苦吟雕肺肺安能絀蘇子佳句青瑤刊別
來已十載每想長嘆願我七旬餘白首居

京官懷公歟來訪觸熱無他干高致似文暢為慕昌
黎韓才氣浩江漢文采奇鳳鸞君山得是翁景物愈
可觀載游常有日舒懷遇珎珎更上妙高臺長嘯一
凭欄

逃虛子詩集卷第二